

黃帝內經靈樞注證發微

黃帝內經靈樞註證發微卷之八

大明太醫院正文會稽庠生玄臺子馬蔣仲化註證

陰陽二十五人第六十四

內有陰陽二十五人之別故名篇

黃帝曰余聞陰陽之人何如伯高曰天地之間六合之內不離于五人亦應之故五五二十五人之政而陰陽之人不與去聲焉其態又不合于衆者五余已知之矣願聞二十去聲五人之形血氣之所生別去聲而以候從外知內何如歧伯曰悉乎哉問也此先師之秘也雖伯高猶不能明之也黃帝避席遵循而却曰余聞之得其人弗教是謂重失得而

洩之。天將厭之。余願得而明之。金櫃藏之。

素問有金匱真言論其匱不從

木義蓋同也。音經蔡註釋金匱亦以為金匱之匱。

不敢揚之。岐伯曰。先立五行。

木水火土。別

去聲

其五色。異其五形之人。而二十五人具矣。

黃帝曰。願卒

如字盡也

聞之。岐伯曰。慎之慎之。臣請言之。

此帝述伯高之言。以問五形之人。而岐伯遂舉其端以言之也。帝以天地之道曰陰與陽。而人身應之。故嘗以人之為陰為陽者。問之于伯高。彼謂天地之間。太極分為陰陽。陰陽分為五行。故五行一陰陽。陰陽一太極。所以天地人之理。舉不外乎五行。而人身與之相應。五行之中。各有其五。即如屬木者為主。而木分左之上下。右

之上下則爲五矣。五行各五計有二十五人之式而彼陰陽和平之人不與也。大凡五行各有體態。衆人不能相合。但其形之所以異。血氣之所以生別而欲出外和內。此伯高之所未及。而帝之所以復問也。伯言先立五行有金木水火土之異。而別其五色異其五等。則二十五等之人可知矣。

木形之人比于上角。似于蒼帝。其爲人蒼色。小頭長面大肩背直身。小手足好有才。勞心少力。多憂勞于事。能音耐禮運聖人耐以天下爲一家。其耐讀爲能。古蓋能耐通用。春夏不能秋冬感而病生。

足厥陰佗佗然。太角之人比于左足少陽。少陽之上燭

遺然。左角之人比于右足少陽少陽之下隨隨然。一曰少角

缺角之人比于右足少陽少陽之上推推然。一曰右角判

角之人比于左足少陽少陽之下枯枯然。缺音大猶然之

判我同牛

此言木形人有五有全偏之分也。自木形之人對下四

通天篇所謂陰陽和平之人則是陰陽合德之聖人。此又非其所較也。觀火形之不壽暴死。小形之欺給發死。

可知其為偏矣。木形之人木氣之全者也。下文四股則下四形倣此。

偏矣。木主東方其音角其色蒼故木形之人當比之上

角。似于上天之蒼帝色蒼者木之色蒼也。頭小者木之

顛小也。面長者木之體長也。有背大者木之枝葉繁生

其近肩之所謂木也。身直者。木之體直也。小者。定者。木之枝細而根之分生者小也。此自其體而言耳。好有才者。木隨用而可以成材也。力少者。木必易挫也。言多憂而外勞於事者。木不能靜也。耐春夏者。木以春夏適當盛也。不耐秋冬者。木以秋冬而彫落也。此自其時而言耳。故秋冬有感于邪。則病易生。肝經屬足厥陰。為根幹。故足厥陰經之分肉形體。佗佗然有安重之義。按詩經用也。備也。蓋足少陽膽經與足厥陰肝經為表裏。此以隋老篇云委佗佗朱註云雍容自得之貌此以藏言主也。全也。下以府言

上文言音之全。故曰上角。下言太角少角鉞角判角乃

陰陽之生爲太少四象也。足少陽者。膽經之分肉。府脈也。後有足少陽之上。氣血盛則通髥美長。血多氣少則通髥美短。血少氣多則少髥。血氣皆少則無髥。髥髮也。此足少陽之上者。正指膽經之脈。凡經脈穴道之行于上體者是也。其曰左足少陽之上者。蓋太角爲左之上耳。下文以判角爲左足少陽之下。則又以左之上下而分之也。比者。擬議之謂。蓋以人而擬角。故謂之曰比。曰遺遺然者。如有所遺失然。行之不驟而馴也。之少角之人者。以右比左。故謂之少。後言足少陽之下。血氣壯盛。脛毛美長。外踝肥。血多氣少。則脛毛美短。外踝瘦而

強血少氣多則筋毛少外踝皮薄而軟血氣皆少則無  
毛外踝無肉等語則此足少陽之下者正指膽經之  
內凡經脉穴道之行于下體者是也夫在上則曰鬚髯  
鬚在下則曰脛脰毛踝此上下之所由辨也隨隨然者  
言相隨以行而亦有安重之義也鈇角者卽少角之  
右生者也一本謂之右角者是也推推然者比之隨隨  
然者似有向前之義耳判角者太角之下也左足少  
陽之下卽膽之經脉穴道行于下體者是也括括然者  
其體有度也

火形之人比于上徵音似于赤帝其爲人赤色膚脫音引去声



脫面不頭好肩背髀腹小手足行安地疾心行捷有背肉  
滿有氣輕財少信多慮見事明好顏急心不壽暴死能春  
夏不能秋冬感而病生手少陰核核然質徵之人  
比于左手太陽太陽之上肌肌然一日少徵之人比于  
右手太陽太陽之下惛惛然音伯詩經東山不意今此  
言之消消固無其宜右徵之人比于右手太陽太陽之上鯁鯁然  
熊然一日熊質判之人比于左手太陽太陽之下支支頥頥

然一日實徵

此言火形之人有全偏之分也火主南方其言徵其色  
赤故火形之人似于上天之赤帝色赤者少之色赤也

朋者脊肉也。廣朋者火之中勢熾而廣大也。而銳頭小者火之炎上者必銳且小也。好肩背脾腹者火之自下而上漸大而狹故謂之好也。手足小者火之旁及者勢小也行安地者火必著地而起也。疾心者火勢猛也行搖肩者火之勢搖也。背肉滿者卽廣朋之義也。有氣者火有氣勢也。此自其體而言耳。輕財者火性易發而不聚也。少信者火性不常也多慮而見事明者火性明通而旁燭也。好顏者火色光明也。急心者火性急也不壽暴死者火勢不久也。耐春夏者火令行于暑時也不耐秋冬者火畏水也。此自其性而言耳。故秋冬有感于邪。

則病易生。手少陰心經屬火其經脉穴道之行于分部者若核代然有真實之義下文言手太陽小腸經者以心與小腸爲表裏耳。質微之人者一本之所謂太微之人者是也。後有手太陽之上血氣盛則多頰而多肉以平血氣皆少則面瘦惡色等語則此手太陽之上即指小腸經之脉凡經脉穴道之行于上體者是也。則肌然者此經分部有肌肉充滿之義也。少微之人者左爲太微而此當爲少微也。後有手太陽之下血氣盛則掌肉充滿血氣皆少則掌瘦以寒等語則此手太陽之下即小腸經之脉凡經脉穴道之行于下體者是也。溫溫

者。饒治之意也。右徵之人者。以其居右之上也。鮫鮫者。踴躍之義也。質判之人者。以其居質徵之下。故曰。質判判亦半之義也。支支者。支持之義。順順者。垂下之義也。

土形之人比于上宮。似于上古黃帝。其爲人黃色圓面大頭。美肩背大腹。美股脛。小手足。多肉。上下相稱。去行安地。舉足汙。安心。好去利人。不喜權勢。善附人也。能秋冬不能春夏。春夏感而病生。足太陰收。敦然。太宮之人比于左足。陽明陽明之上。婉婉然。加宮之人比于左足。陽明陽明之下。坎坎然。少宮之人比于右足。陽明陽明之上。樞

樞然左宮之人比于右足陽明陽門之下兀兀然

此言土形之人有全偏之分也中央主王其背宮其色黃故土形之人比于上宮似于上古之黃帝曰上古者以別于本帝也色黃者土之色黃也面圓者土之體圓也頭大者土之體平也有背美者土之體厚也腹大者土之體闊大也肢脰美者土之體肥也小手足者土本大亦可以小也多肉者土主肉也上下相稱者土自上而下其體如一也行安地者土體安重也舉足浮者土揚之則浮也此自其體而言耳安心者土不輕動也好利人者土以生物爲德也不喜權勢善附人者土能容

垢納汙不棄賤趨貴也耐秋冬者土喜滋潤也不耐春  
夏者土畏亢燥也故春夏有感于邪則病易生此自其  
性而言耳足太陰者脾經也其經脉穴道所行之分部  
皆敦敦然有敦重之義猶素問五常政大論篇之所謂  
敦阜也下文言足陽明胃經者以脾與胃爲表裏耳

太宮之人者居左之上當爲太宮也後有足陽明之上  
血氣盛則髯美長血少氣多則髯短故氣少血多則髯  
少血氣皆少則無髯兩吻多畫等語則此足陽明之上  
乃胃經之脉凡經脉穴道之行于上體者是也婉婉者  
有委曲之義也加宮者居左太宮之下也後有足陽

明之下。血氣盛則下毛美長。至胃。血多氣少則下毛美短。至臍。血少氣多則肉而善瘰。血氣皆少則無毛。有則稀枯悴。善痿厥足痺等語。則此足陽明之下。乃胃經之脉。凡經脉穴道之行于下體者是也。坎坎者。亦持重之義也。少宮居于右。故曰少樞樞者。有拘守之義也。左宮之人。當爲右宮之人。兀兀者。獨立不搖之義也。金形之人。比于上商。似于白帝。其爲人方面白色。小頭小肩背小腹。小手足。如骨發踵外。骨輕身清廉。急心靜悍。喜爲吏。能秋冬不能春夏。春夏感而病生。手太陰皴皴然。鈇商之人。比于左手陽明。陽明之上廉廉然。右商之人。

比于左手陽明。陽明之下脫脫然。左商之人比于右手  
陽明。陽明之上監監然。小商之人比于右手陽明。陽明  
之下嚴嚴然。

此言金形之人。有金偏之分也。西方主金。其音商。其色  
白。故金形之人。比于上商。似于上天之白。而西方者。金  
之體方也。色白者。金之色白也。曰頭曰肩背曰腹俱小  
者。金體沉重而不浮大也。手足小如骨發踵外者。金之  
旁生者必小。而其足跟之外。如另有小骨發於踵外也。  
骨輕者。金無骨。故其骨則輕也。身清廉者。金之體冷。而  
廉靜不染他汗也。此自其體而言耳。急心者。金性至急。



也。靜悍者，金之性不動則靜，動之則悍也。善爲吏者，金主肅殺有威也。耐秋冬者，金令王于涼寒之候也。不耐春夏者，金畏火也。故春夏有感于邪，則病易生。此自其性而言耳。手太陰肺經屬金，凡其經脉穴道所行之分部，當敦敦然有敦重之義也。足手太陰皆曰敦敦然下文言手陽明大腸經者，以肺與大腸爲表裏耳。欽商之人，上文以欽角屬右，則此當云太商之人也。後有手陽明之上血氣盛則鬚美，血少氣多則鬚惡，血氣皆少則無鬚等語，則此手陽明之上，凡經脉穴道之行于上體者是也。廉廉然者，有稜角之義也。右商之人，疑是左商之人。

也。後有手陽明之下。血氣盛則腋下毛美。手魚肉以溫。氣血皆少。則手瘦以寒。等語。則此手陽明之下。乃大腸經之經脉穴道。行于下體者是也。脫然者。無累之義也。左商之人。當是右商之人也。監監然者。有所制也。嚴嚴然者。不敢肆也。

水形之人。比于上羽。似于黑帝。其爲人黑色。面不平。大頭。廉頗。小肩。大腹。動手足。發行挫身。下尻長。背延延然。不敬。畏暑。欺。給人戕死。能秋冬。不能春夏。春夏感而病生。足少陰汗汗然。大羽之人。比于右足太陽。太陽之上。頰頰然。小羽之人。比于左足太陽。太陽之下。紆紆然。衆之爲

合比于右足太陽太陽之下繫繫然 衽之爲人比于左足太陽太陽之上安安然

此言水形之人有全偏之分也北方主水其音羽其色黑故水形之人比于上羽似于上天之黑帝色黑者水之色黑也面不平者水上有波也頭大者水面不銳也順廉有用者水流四達也肩小者水之自高而瀉下者其高處不大也腹大者水之腹大而古藏也手足動及發行必挺身者水流而達也下尻長者水流必長也皆延延然者亦長意也此自其體而言耳不敬畏者水決而不可遏也善欺給者水性不實也戮死者水戒體

消也。而秋冬者水以秋冬不虧也。不耐春夏者水以火而沸也。此自其性而言耳。故春夏有感于邪則病易生。足少陰腎經屬水。故其經脉分部皆汗汗然如有所食著也。下文言足太陽膀胱經者以腎與膀胱為表裏耳。太羽之人比于右足太陽者。當為左足太陽也。後有足太陽之上血氣盛則美眉。眉有毫毛血多氣少則惡眉。面多少理血少氣多則面多肉。血氣和則美色等語。則此足太陽之上者凡膀胱經經脉穴道之行于上體者是也。頰頰然者其盈滿如兩頰也。小羽者少羽也。比于左足太陽後有足太陽之下血氣盛則跟肉滿腫。

堅氣少血多則瘦。跟空血氣皆少則善轉筋踵下痛等語。則此是太陽之下。凡膀胱經經脉穴道之行于下體者是也。紆紆然者有周旋之義也。衆之爲人桎之爲人未詳。意水形之人爲戕死。則此曰衆者常人也。曰桎者受桎梏之人也。絮絮然者獨行之義也。安安然者自如之義也。

是故五形之人二十五變者。衆之所以相欺者是也。此總結上文五行之人有二十五等之異者。乃衆人之難辯而易欺者也。

黃帝曰得其形不得其色何如。歧伯曰形勝色色勝形者。

至其勝時年加感則病行失則憂夫形色相得者富貴大  
樂黃帝曰其形色相勝之時年加可知乎歧伯曰凡年忌  
下上之人。大忌常加七歲十六歲二十五歲三十四歲四  
十三歲五十二歲六十一歲皆人之大忌不可不自安也  
感則病行失則憂矣當此之時無爲姦事是謂年忌

此言形色貴于相得或有口勝者而復加年忌則輕者  
病而重者憂也上文言五行之形則已得其形也但形  
與色必有相得若得其形而猶未得其色帝之所以疑  
也伯言人有形勝色者如木形人而黃色現也有色勝  
形者如木形人而白色現也但此等之人不以形之

本色相見而有他色來見至其形色相勝之時值有年忌相加則感之而病行倘有踈失則甚可憂矣如得本形本色相得者其年當富貴大樂也帝又以形色相勝之時年忌相加者爲問伯言凡所謂年忌者乃各經下上之人大忌其常加也如太角之人比于左足少陽之上判角之人比于左足少陽之下是屬木之人也遇下亥所值之年而其色青是謂形色相得者富貴大樂其色黃者是謂形勝色其色白者是謂色勝形而復有年忌相加此感則病行而失則可憂也年忌何如大凡人分七歲是陽之少也再加九歲乃十六歲再加九歲乃

二十五歲。再加九歲。乃三十四歲。再加九歲。乃四十三歲。再加九歲。乃五十二歲。再加九歲。乃六十一歲。蓋力爲老陽。而陽極必變。故此皆爲人之大忌。不可不自安其分也。當此各年之時。毋爲姦淫之事。猶可自免。否則形色不相得而相勝。值此年忌加之。斯感則病行。而後則憂矣。

黃帝曰。夫子之言。脉之上下。血氣之候。以知形氣。奈何歧伯曰。足陽明之上。血氣盛則髯美長。血少氣多則髯短。故氣少血多則髯少。血氣皆少則無髯。兩吻多畫。足陽明之下。血氣盛則下毛美長。至胃血多氣少則下毛美短。至臍



行則善高舉足。足指少肉。足善寒。血少氣多。則肉而善瘰。  
血氣皆少。則無毛。有則稀枯瘁。善痿厥足痺。

瘰音祿。痿音威。痺文云手足中寒。

瘰也。吻音列。痺音同。

此言足陽明之體有上下。而氣血多少。必見于外形也。  
足陽明者。胃也。足陽明之上。凡經脉穴道之行于上體  
者。如巨竅穴。挾鼻旁。地倉穴。挾口吻。皆謂之上。而鼻之  
所生者也。上唇之所生者。為鼻。故血氣皆盛。則鼻美且長。如血少  
氣多。則鼻雖有。而必短。若氣少血多。則鼻雖有。而必少。  
至于血氣皆少。則其鼻全無。止兩吻多。盡耳吻者。口旁  
也。足陽明之下。凡經脉穴道之行于下體者。如歸來穴。

在水道之下氣衝穴在鼠鼷之上。乃下毛之所生也。故血氣皆盛則下毛必美而且長。至胃亦有之。如血多氣少則下毛雖美而必短。僅生至于臍耳。且行則舉足必高。其足指少肉。且多冷而不溫。若血少氣多則其分肉善生寒瘡。至于血氣皆少則下毛全無。雖或有之亦稀少枯瘁。而善成痿厥痺之三證也。

足少陽之上氣血盛則通髻美長。血多氣少則通髻美短。血少氣多則少髻。血氣皆少則無髻。感于寒濕則善痺骨痛爪枯也。足少陽之下血氣盛則脛毛美長。外踝肥。血多氣少則脛毛美短。外踝皮堅而厚。血少氣多則胛毛少。外

踝皮薄而軟。血氣皆少。則無毛。外踝瘦無肉。

肝

此言足少陽之體有上下。而血氣多少。必見于外形也。足少陽者。膽經也。足少陽之上。凡經脉穴道之行于上者。如風池。腦空。正靈之類。皆行于耳後者。今日通髻有關于膽經。則所謂通髻者。乃連鬢而生者也。其氣脉本相貫耳。故氣血盛。則通髻美而且長。血多氣少。則通髻雖美而短。若血少氣多。則雖有鬢而少。至于血氣皆少。則其鬢全無。

各所生者為鬢。但少陽所生。則其鬢全無。不可言鬢。而此曰鬢者。疑誤也。

而感于寒

濕。則善成痺病。其骨必痛。而爪必枯也。足少陽之下。如陽陵泉。以至下之絕骨者是也。故血氣盛。則足脛之毛

美而且長。外踝必肥。蓋膽經之脉行于外踝也。若血多氣少。則足脛之毛美而必短。其外踝之皮必堅而厚。若血少氣多。則足脛之毛必少。其外踝之皮薄而且軟。至于血氣皆少。則脛脰必皆無毛。其外踝亦瘦而無肉也。足太陽之上。血氣盛則美眉。眉有毫毛。血多氣少。則惡眉。面多少理。血少氣多。則面多肉。血氣和。則美色。足太陽之下。血氣盛則跟肉滿。踵堅。氣少血多。則瘦跟空。血氣皆少。則善轉筋。踵下痛。

此言足太陽之體有上下。而氣血多少。必見于外形也。足太陽者。膀胱經也。足太陽之上。凡經脉穴道之行于

上體者如睛明攢竹乃眉之所生也。故血氣盛則其眉必美。且有毫毛。若血多氣少。則其眉雖有而必惡。其面少紋理。若血少氣多。則面肉必多。若血氣和。則面色必美也。足太陽之下。凡經脉穴迫之行于下體者。如崑崙。僕參。皆在于下跟者也。故血氣盛則足跟之肉必滿。而其踵必堅。若氣少血多。則跟必瘦而無肉。則空。至于血氣皆少。則常有轉筋之疾。而踵下必多痛也。

手陽明之上。血氣盛則髭美。血少氣多。則髭惡。血氣皆少。則無髭。手陽明之下。血氣盛則腋下毛美。手魚肉以溫。氣血皆少。則手瘦以寒。

此言手陽明之體有上下。而血氣多少。必見于外形也。  
手陽明者。大腸經也。手陽明之上。如禾髆穴在鼻孔之  
旁。迎香穴在水溝之旁。皆穴道之行于上。而髀之所生  
者也。承髀穴以下所生者為髀故血氣盛則其髀必美。若血少氣多  
則有髀必惡。若血氣皆少。則其髀全無矣。手陽明之下。  
如有髀臂臑。近于腋。合谷三間二間商陽行于指。故血  
氣盛則腋下之毛必美。其手魚際之內必溫。若氣血皆  
少。則其手必瘦而冷也。

手少陽之上。血氣盛則眉美以長。耳色美。血氣皆少。則耳  
焦惡色。手少陽之下。血氣盛則手捲多肉以溫。血氣皆少。

則寒以瘦。氣少血多則瘦以多脉。

此言手少陽之體有上下而氣血多少必見于外形也。手少陽者三焦經也。三焦之脉行于上者如翳風瘰脉。顙顙角孫皆近于耳。絲竹空則近于眉。故血氣盛則其眉必美而且長。其耳之色必美。若血氣皆少則其耳必焦而色必惡也。手少陽之脉行于下者如外關陽池中渚液門皆行于手背也。故血氣多則捲手而視之多肉以溫。若血氣皆少則手必冷而且瘦。至于氣少血多則筋脉雖多而亦瘦矣。

手太陽之上血氣盛則有多鬚面多肉以平。血氣皆少則

面頰惡色。手太陽之下。血氣盛則掌肉充滿。血氣皆少則掌瘦以寒。

此言手太陽之體有上下。而氣血多少。必見于外形也。手太陽者。小腸也。手太陽之上。如天容在曲頰之後。顴膠在髑骨之下。故血氣盛則其顴顴面肉且多而平。血氣皆少則其面瘦而其色惡也。手太陽之下。如腕骨後谿前谷少澤之類。皆行于手。故血氣盛則掌肉充滿。血氣皆少則掌瘦而冷也。

黃帝曰。二十五人者。刺之有約乎。岐伯曰。美眉者。足太陽之脉氣血多。惡眉者。氣血少。其肥而澤者。血氣有餘。肥而



不澤者氣有餘血不足瘦而無澤者氣血俱不足。審察其形氣有餘不足而調之可以知逆順矣。

此卽膀胱經一部之外形以驗血氣之盛衰是乃行刺之約法也。凡太陽膀胱經之脉自頭行背以至于足。周全身之長左右共一百二十六穴故卽此一經而一身之氣血可驗矣。在上見于眉在下見于身。故眉之美者則足太陽之氣血俱多也。眉之惡者則足太陽之氣血必少也。其體肥而且澤是血氣皆有餘也。若肥而不澤則氣盛而血少耳。若瘦而無澤則氣血俱不足耳。審察其形氣之有餘不足而盛則瀉之虛則補之可以知當。

補而補當寫而寫之爲順而反此則爲逆矣

黃帝曰刺其諸陰陽奈何岐伯曰按其寸口人迎以調陰陽切循其經絡之凝滯結而不通者此於身皆爲痛痺甚則不行故疑滯凝滯者致氣以溫之血和乃止其結絡者脉結血不行決之乃行故曰氣有餘于上者導而下之氣不足于上者推而休之其稽留不至者因而迎之必明于經隧乃能持之寒與熱爭者導而行之其宛陳血不結者則而予之必先明知二十五人則血氣之所在左右上下刺約畢也

宛陳素問湯液醪醴論有上宛陳莖自水漬言本經首篇有宛陳則除之自結血言本篇此節

有宛陳血不結者指積氣言則而予之則側同予與同

此言刺各經之有約法也。上文止以膀胱一經爲言。故帝以刺諸經爲問。伯言按其寸口可以調陰經。卽經脈終始禁服等篇所謂寸口一盛病在足厥陰。一盛而躁病在手厥陰。寸口二盛病在足少陰。二盛而躁病在手少陰。寸口三盛病在足太陰。三盛而躁病在手太陰。按其人迎可以調陽經。卽諸篇所謂人迎一盛病在足少陽。二盛而躁病在手少陽。人迎二盛病在足太陽。三盛而躁病在手太陽。人迎三盛病在足陽明。三盛而躁病在手陽明。切循其各經絡之有凝滯否。內有結而不通者。此于身當爲痛痺。甚則不能起而行也。當留鍼以補。

而致其氣以溫之。候至血和。乃止鍼耳。及有結于絡脉者。惟其脉結。則血不行。必決之以出血。則血乃行也。大凡病之氣有餘于上者。則病在上。求之下。當鍼其穴之在下者。以導而下之。氣不反于上者。則仍刺其上穴。乃推其鍼。而久留以休息之。候其氣至可也。如鍼已稽留而氣尚未至。必因而迎之。隨卽有以推之耳。凡此者。必先明于各經經脉之隧。然後可持鍼以刺之。其間有寒熱相爭者。則導而行之。有氣鬱陳而血未結者。必側其鍼以刺之。側鍼卽然又必先明于二十五人之形。則血氣之多少。有無病之左右上下。皆能悉知。無遺而後可。

以施鍼耳。此則刺法之約。所以畢也。

五音五味篇第六十五

內論人身台五行五藏  
五果五畜等義故名

右徵與少徵調右手太陽上

按前篇有徵之人比于右手  
太陽大陽之上鼓然又云。

太陽之上血氣盛則有多筋而多肉以平血氣皆火  
則面度惡色故此口右微之人皆謂右手太陽上蓋言

小腸經  
前篇言少微之人比于右手太陽太陽之脈皆以

則然矣。以寒然則少微之人當知右手太陽之下而此

則亦以干爲上其上下字必有跌也

解之以理

左商與左徵調左手陽明上前篇云左商之上監監然又云

少則無髭。故曰左商之人當鬚。左手陽明上蓋言大

腸經氣穴之道行于上者是也  
前篇以實

此之人。比于左手太陽上。而此以左徵調左手。陽明上者。則以火人而調金部。未知其所謂也。

少徵與太宮。調左手陽明上。前篇以太陽太陽之少徵之下。指指然。而此

以少徵調左手陽明上。是以火人而調金部也。上下字

必訛耳。前篇太宮之人。比于左足陽明。陽明之上。統

統然。蓋以陽明胃經屬上。宜以太宮屬之也。此以太宮

調左手陽明上。是以土人而調金部。未知其所謂也。

右角與太角。調右足少陽下。前篇少角之人。比于右足少

少陽之下。血氣盛。則輕毛。美長。外踝肥。血多。氣少。則脛

毛。美短。外踝皮堅而厚。血少。氣多。則胛毛。少。外踝皮薄

而軟。血氣皆少。則無毛。外踝瘦多肉。此以右角之人。而

調右足少陽之下者。宜也。蓋以木人而調木部耳。前

篇太角之人。比于左足少陽。少陽之上。遺遺。然。而此以右足少陽。以下代上者。必有訛耳。比于左手

太徵與少徵。調左手太陽上。前篇云。質徵之人。比于左手

手太陽之上。血氣盛。則有多鬚。面多肉。以平。血氣皆少。則面瘦。惡色。今以太徵之人。而調左手太陽之上者。是

也。蓋以火人而調火部耳。前篇以少徵之人。比于右。千太陽。大陽之下。怕怕然。而此以左代右。以上代下。必

有誤耳。

衆羽與少羽。調右足太陽下。前篇云。衆之爲人。比于右。足

大陽之下。血氣盛。則踵肉滿。踵堅。氣少。血多。則應跟

空。血氣皆少。則喜轉筋。踵下痛。此以衆羽之人。而調右

足太陽之下。蓋言膀胱經脉氣穴道之行于下者。是也。是以水人而調水部耳。前篇少羽之人。比于左。足太

陽。太陽之下。紆紆然。今以右代左者。必有訛耳。少商與右商。調右手太陽下。前篇以少商之人。比于右手

明。而此乃調右手太陽之下。是以金人而調火部。未如其所謂也。是以

耗羽與衆羽。調右足太陽下。前篇以耗之爲人。比于左。足

太陽之下。血氣盛。則跟肉滿。踵堅。氣少。血多。則瘦跟。空。血氣皆少。則善轉筋。踵下痛。此以耗羽之人。而調足

太陽者是也。蓋以水形而謂水部耳。其以右代左必有訛耳。前篇衆利之人比于右足太陽太陽之下紫紫然此以衆羽之人而調右足太陽之下首是也。

少官與太宮調方足陽明下。前篇以少官之人比于右足

足陽明之下血氣盛則下毛美水至胃血多氣少則下

毛美短至臍行則善高舉足則無毛有則稀枯悴善痿厥

多則肉而善疼血氣皆少則無毛有則稀枯悴善痿厥

足腰此以少宮之人而調足陽明是以土人而調土部

者是也。但以少宮之上則異耳。前篇以右代左亦為要耳

左足陽明陽明之上蛻蛻然今乃以右代左亦為要耳

判角與少角調右足少陽下。前篇以判角之人比于左足

足少陽之下血氣盛則脰毛美長外踝肥血多氣少則

脰毛美短外踝皮堅而厚血少氣多則脰毛少外踝皮

滑而軟血氣皆少則無毛外踝皮無肉此以判角之人

而調足少陽者是也。蓋以木人而調木部耳。但以右代

左則異耳。前篇少角之人比于右足少陽少陽之下

隨隨然此以少角之人而調右足少陽之下者是也。



鈇商與上商調右足陽明下。前篇云。鈇商之人。比于左手。

于陽明之上。血氣盛。則其美血少。氣多。則其美血氣皆

少。則無此。此以鈇商之人。而調右足陽明者。是以金人

而調土部也。其足字當作手字。益手陽明。則金人

前篇以少商之人。比于右手陽明。陽明之下。筋骨氣血

云。于陽明之下。血氣盛。則腋下手魚肉以足。氣血

皆少。則于瘦以寒。此以上商而調右手陽明之下者。是

也。但前止有鈇商小商右商左商。並無

上商。非此之上為誤。則故之小為誤也。

鈇商與上角調左足太陽下。前篇以鈇商之人。比于左手

以鈇商之人。調左足太陽者。是以

個人而調水部。未知其所謂也。

按據前所屬五音。而調各部。正承前篇末節言先明二十

十五人之形。然後可以明經隧。而調陰陽。故此即二十

五人之屬于五音者。而指其當調之所在也。但有以別

音而互屬。則是太少左右上下陰陽年字。非前篇。則此篇必有訛處。正以此書向無明註。而讀者不曉。昧者不愼。故不得改正之。愚欲據五行生剋大義。悉改正之。其說自明。但此經非比尋常。不敢妄更。姑俟後之君子。

上徵與右徵同。穀麥。畜羊。果杏。手少陰。藏心。色赤。

味苦。

時夏。

上徵右徵者。火音之人也。故五穀五畜五果之內。其麥羊杏皆屬火。宜火音之人。用此以

也。

上羽與太羽同。穀大豆。畜彘。果栗。足少陰。藏腎。色黑。

味鹹。

時冬。

上羽太羽者。水音之人也。故五穀五畜五果之內。其大豆彘栗屬水。宜水音之人。用

此以調之也。

書

上宮與太宮同。穀稷畜牛。果棗。足太陰。藏脾。色黃。

味甘。時季夏。上宮太宮者土音之人也。故五穀五畜五果之內其與牛棗皆屬土。宜土音之人用。

此以調之也。

上商與右商同。穀黍畜雞。果桃。手太陰。藏肺。色白。

味辛。時秋。上商右商者金音之人也。故五穀五畜五果之內其與雞桃皆屬金。宜金音之人用。此以

調之也。

上角與大角同。穀麻畜犬。果李。足厥陰。藏肝。色青。

味酸。時春。上角大角者木音之人也。故五穀五畜五果之內其與麻大李皆屬木。宜木音之人用。

此以調之也。

前言調其六府。而此又言五音之人。合于五藏。宜有以

言謂之也

大宮與上角同右足陽明上太宮屬上宜調足陽明胃土而此又以上角之人義不可曉

左角與太角同左足陽明上角乃木音宜調木部今足陽明屬土而乃調之義不可曉

少羽與太羽同右足太陽下少羽屬水而乃調之義不可曉

左商與右商同左手陽明上左商屬金宜調金部今足陽明屬土而乃調之義不可曉

加宮與太宮同左足少陽上加宮屬土而調足少陽之義不可曉然太宮又重

矣

實判與太宮同左手太陽下實判屬火宜調于太陽小腸經火而太宮又附之義不可

曉且重出

判角與大角同左足少陽下

判角太角屬木宜調足少陽膽經下

太羽與太角同右足太陽上

太羽屬水宜調右足太陽膀胱經水而大角屬木附之義

不可曉

太角與太宮同右足少陽上

太角屬木宜調足少陽膽經木而太宮屬土附之義不可

曉

右按以宮調胃土以羽調膀胱水等義固以五行相屬其間以別音之人互入必是手足左右上下陰陽字面多訛今以此九項而與前十二項相配有重者如左手陽明上右足太陽下右足陽明下左手陽明上有缺者如右足少陽上左足少陽下右手陽明上左足太陽上

右足大陽上。右足陽明上。此必由重者差訛。故致有缺者不全也。俟後之君子正之。

右徵少徵質徵。上徵判徵。右角鈇角。上角太角判角。右商少商鈇商。上商左商。少宮上宮太宮加宮。左宮衆羽。桎羽。上羽太羽。少羽。

此總承上文而復申記之。五音之各分爲五。計二十有五之數也。

黃帝曰。婦人無鬚者。無血氣乎。歧伯曰。衝脉任脉皆起于胞中。上循背裏爲經絡之海。其浮而外者。循腹右上行。會于咽喉。別而絡唇口。血氣盛則充膚熱肉。血獨盛則澹滲。

皮膚生毫毛。今婦人之生有餘于氣，不足于血，以其數脫血也。衝任之脉，不榮口唇，故鬚不生焉。

此言婦人之所以無鬚也。前篇言氣血盛則鬚美長。今婦人無鬚，豈無氣血乎？伯言婦人之所以無鬚者，以其數脫血也。蓋婦人衝任二脉皆起于受胎之胞絡宮中，上循背之裏而行，爲經絡之海。其浮而外行者，循腹右上行，會于咽喉，其別而行者，絡于唇口。惟血氣盛則膚充而肉熱，血獨盛則皮膚滲而毫毛生。今婦人之生，氣有餘而血不足，以其月事以時下，而數脫血也。故衝任之脉，不榮口唇，鬚之所以不生也。

黃帝曰。士人有傷于陰。陰氣絕而不起。陰不用。然其鬚不生。其故何也。宦者獨去。何也。願聞其故。岐伯曰。宦者去其宗筋。傷其衝脉。血氣不復。皮膚內結。唇口不榮。故鬚不生。此言宦者之所以無鬚也。士人有傷于陰。器而陰器絕。而不起。亦不能復有所用。其鬚之生者。自若。惟宦者陰器既傷。而鬚獨不生。帝之所以疑也。伯言。士人雖有傷于陰。器。其宗筋未嘗去。而衝脉未嘗傷也。彼宦者不然。所以血一瀉。而不復。其所傷之處。皮膚內結。衝任之脉。不榮于上之口唇。故鬚焉得而生也。

黃帝曰。其有天宦者。未嘗被傷。不脫于血。然其鬚不生。其



故何也。歧伯曰：此天之所不足也。其任衝不盛，宗筋不成，有氣無血，唇口不榮，故鬚不生。

此言天宦之所以無鬚也。天宦，其貌天生如宦者也。天宦未嘗如宦者之被傷，亦未嘗如婦人之脫血，其鬚不生。帝之所以疑也。伯言此天之所以不足之也。其任衝不盛，宗筋不成，止有氣而無血，唇口不榮，故鬚亦不生也。

黃帝曰：善乎哉！聖人之通萬物也。若日月之光影，音聲之應，聞其聲而知其形，其非夫子孰能明萬物之精？是故聖人視其顏色，黃赤者多熱，氣青白者少熱，氣黑者多血。

少氣美眉者太陽多血通髻極鬢者少陽多血美鬢者陽明多血此其特然也

此帝贊伯能通萬物之精故能驗頑也而明經絡也夫入之常數太陽常多血少氣少陽常多氣少血陽明常多血多氣厥陰常多氣少血少陰常多氣少血太陰當多血少氣此天之常數也

此結言手足六經之氣血各多少見調之者當視其氣血以爲主也太陽者手太陽小腸足太陽膀胱也少陽者手少陽三焦足少陽膽也陽明者手陽明大腸足陽明胃也太陽太陰俱多血少氣少陽厥陰俱多氣少

血陽明氣血皆多少陰多氣少血少其氣血多少則可

以辯二十五人之形而調之也按此又見素問五藏形志論本經九氣論

陰常多血少氣太陰常多氣少血有不同耳大義當以素問為的

百病始生第六十六內有百病始生故名篇

黃帝問于歧伯曰夫百病之始生也皆生于風雨寒暑清

涼喜怒喜怒不節則傷藏風雨則傷上清濕則傷下三部

之氣所傷異類願聞其會歧伯曰三部之氣各不同或起

于陰或起于陽請言其方喜怒不節則傷藏藏傷則病起

于陰也清濕襲虛則病起于下風雨襲虛則病起于上是

謂三部至于其淫洗不可勝數勝數上聲平聲

此言外感內傷約爲三部。而淫洩有不可勝數也。百病始生皆由于風而寒暑清濕喜怒然喜怒不節則傷藏傷藏則病起于陰經而名之爲內傷也。清濕襲虛則病起于下。益足陽經感之則病起於陽。足陰經感之則病起于陰。風雨襲虛則病起于上。此亦病起于陽而名之爲外感也。是謂三部之氣所傷異類。至其浸淫流洩則病有不可勝數者矣。

黃帝曰。余固不能數。故問先師。願卒聞其道。岐伯曰。風雨寒熱不得虛邪。不能獨傷人。卒然逢疾風暴雨而不病者。蓋無虛故邪不能獨傷人。此必因虛邪之風與其身形兩

虛相得乃客其形。兩實相逢衆人肉堅。其中于虛邪也。因于天時。與其身形。參以虛實。大病乃成。氣有定舍。因虛爲名。上下中外。分爲三真。是故虛邪之中人也。始于皮膚。皮膚緩則腠理開。開則邪從毛髮入。入則抵深。深則手髮立。毛髮立則淅然。故皮膚痛。留而不去。則傳舍于絡。絡之時痛于肌肉。其痛之時息。火經乃代。留而不去。傳舍于經。在經之時。洒淅喜驚。留而不去。傳舍于輸。在輸之時。六經不通。四肢則肢節痛。腰脊乃強。留而不去。傳舍于伏衝之脉。在伏衝之時。體重身痛。留而不去。傳舍于腸胃。在腸胃之時。胃響腹脹多。寒則腸鳴飧泄。食不化。多熱則溲出。

虛而不去。傳舍于腸胃之外。募原之間。留著于肺。稽留而不去。息而成積。或著孫脉。或著絡脉。或著經脉。或著輸脉。或著于伏衝之脉。或著于督筋。或著于胃。胃之募原。上迎于緩筋。邪氣淫泆。不可勝論。

此言邪氣之淫泆。始于虛以感之。而以次傳舍。則為積也。上文言風雨寒暑清濕。而此曰風雨寒熱。又曰疾風暴雨。辭不同。而均之為外感也。然此諸外感者。不得天之虛邪。則不能傷人也。虛邪。見上古天真論。又不得之本經九宮八風等篇。人之本虛。亦不能傷人也。此以天之虛。人身形之虛。兩虛相得。所以諸邪得以客其形耳。若天有實風。九宮八風篇以

其所居之鄉來爲人有實氣則兩實相逢衆人肉堅

且風主長養萬物

必不客其形矣此可以見人之中于虛邪由于天時之  
虛與其身形之虛故參以虛實之法則知大病之所由  
成也又由其邪氣之有定舍而命其病體之有定名當  
爲上下中外之三員猶言三部也蓋人身大體自縱而  
言之則以上中下爲三部自橫而言之則以在表在裏  
半表半裏爲三部故謂之上下中外之三員也是故虛  
邪之中人也始于皮膚正以皮膚緩則腠理開開則邪  
從毛髮入入則至深深則毛髮立立則皮膚漸然而寒  
因之而爲痛其始之于皮膚者如此及留而不去

則傳舍于絡脉。如足太陽膀胱經在燕涉之謂。蓋浮而  
易見者爲絡。深而不見者爲經。凡各部分肉之絡脉皆  
是也。此其肌肉盡痛。則深于皮膚矣。其痛之時呼吸之  
際。大經之脉不能流通。而間有脉之代而中止。不從自  
還者。其繼而在絡脉者如此。留而不去。傳舍于經。如  
凡各經之脉其直行者是也。如足太陽膀胱在崑崙之  
謂。此則洒淅惡寒。喜于多驚。其在經者如此。留而不  
去。傳舍于輸穴。如足太陽膀胱經在束骨之謂。時則六  
經不通于四支。肢節皆痛。腰脊乃強。其在輸者又如此。  
留而不去。傳舍于伏衝之脉。時則身熱重而且痛也。



其在于伏衝之脉者如此

按素問

伏之脉今

衝之脉或在于腎筋則腎筋當伏

伏之脉今

合于在上之胃在下之腸時在腸胃之間其聲為奔響

且為腹脹內而寒氣或多則腸鳴而飧泄其食不化內

而熱氣或多則後之所去者必漉漉者穀之不堅而雜

水者也且所出者為麋麋者穀之不化者也其在腸胃

者又如此留而不去傳舍于腸胃之外募原之間募

原之間者即皮裏膜外也時則留者于肺若稽留而不

去則息而成積矣其在于腸胃之外者又如此由上

文觀之。或著于孫脉。或著絡脉。或著輸脉。或著于伏衝之脉。或有于脊筋。或著于腸胃之募原。上連于緩筋。此乃邪氣之所產。決其不可勝數者有如此。

黃帝曰。願盡聞其所由然。歧伯曰。其著孫絡之脉。而成積者。其積往來上下。臂手孫絡之居也。浮而緩。不能句。積而止之。故往來移行。腸胃之間。水漿滲注。濯濯。必有音。有寒則噎滿雷引。故時切痛。其著于陽明之經。則挾臍而居。飽食則益大。饑則益小。其著于緩筋也。似陽明之積。飽食則痛。饑則安。其著于腸胃之募原也。痛而外連于緩筋。飽食則安。饑則痛。其著于伏衝之脉者。揣之應手而動。發手則

熱氣下于兩股如湯沃之狀其著于脊筋在脇後者饑則積見飽則積不見按之不得其著于輪之注之閉塞不通津液不下此竅乾塞此邪氣之從外入內從上下也

此承上文而詳言積之在于各所者其狀有不同而病有所由始也夫所謂邪之在孫絡而成積者其積往來上下于臂手孫絡之居浮而不沉緩而不急不能遽積而止之故往來相移其內而腸胃之間有水湊聚注灌濯濯有音且有寒氣則腹滿如雷有聲而相引時常爲切痛也其著于陽明經者卽胃經也其積當挾臍而居如飽食時則積益大饑時則積益小也其著于緩

筋也。似前陽明之積。飽食則痛。如益大之謂。饑則安。則如益小之謂也。其着于腸胃之募原。積痛則外運于緩筋。如飽食則稍安。饑則必痛矣。其着于仁衛之脉。以手揣摸其積。應手而動。舉手則熱氣下于兩股間。如有以湯沃之之狀也。其着于督筋。督筋在腸之後。故積亦在腸後。方其饑時。則積反見。飽則積不見。按之又不可得也。其着于輸之脉而爲積者。當閉塞不通。津液不下行。故孔竅皆乾壅也。凡所謂積之成者。皆邪氣之從外而入內。從上而之下者也。

黃帝曰。積之始生。至其已成。奈何。歧伯曰。積之始生。得寒

乃生厥乃成積也

此原積之始生者。必由于寒。而其所成。則由于氣之逆也。厥者。氣逆也。下氣正詳言之。

黃帝曰。其成積奈何。歧伯曰。厥氣生足。悅生脛寒。脛寒則血脈凝滯。血脈凝滯。則寒氣上入于腸胃。入于腸胃。則腹脹腹脹。則腸外之汁沫迫聚。不得散。日以成積。卒然多食飲。則腸滿。起居不節。用力過度。則絡脉傷。陽絡傷。則血外溢。血外溢。則衄血。陰絡傷。則血內溢。血內溢。則後血。腸胃之絡傷。則血溢于腸外。腸外有寒。汁沫與血相搏。則并合凝聚。不得散。而積成矣。卒然外中于寒。若內傷于憂怒。

則氣上逆。氣上逆則六輸不通。溫氣不行。凝血蘊聚而不散。津液滯滲着而不去。而積皆成矣。

此承上文而詳言積之始生。至其所以成也。足之六經。氣有厥逆。則足悶然不得清利。由是而脛寒。內是而血凝。滯由是而寒。氣入于腸胃。內爲膜脹。外則汁沫迫聚。不得散釋。日漸成積。又或卒多食飲。則腸中益滿。又或起居用力不慎。則絡脉傷。如陽經之絡脉受傷。則血當外溢而爲衄。如陰經之絡脉受傷。則血當內溢而去。後有血如腸胃之絡脉受傷。則血當溢于腸外。其腸外有寒汁沫。與此血相搏。所以并合凝聚。不得散釋而積。

已成矣。又或卒然外中于寒。或內傷于憂。有時而怒。則氣上逆。以致六經之輸脉不通。熱氣不行。凝結蘊聚。而不釋散。津液凝滯。着而不去。而積之所由成也。故曰積之始生。得寒乃生。厥乃成積者。其大義如此。

黃帝曰。其生于陰者。奈何。岐伯曰。憂思傷心。重寒傷肺。忿怒傷肝。醉以入房。汗出當風。傷脾。用力過度。若入房汗出。則傷腎。此內外三部之所生病者也。

此節大義與本經邪氣篇病形篇第二

同節相

此言積之生于陰者。以五藏各有所傷也。前節言積所生之處。皆非生之于五藏者也。故帝以生于陰經者為

問伯言五藏各有所傷。故積之所由生也。憂思則必傷其心。重寒傷肺。卽本經邪氣藏府病形篇云。形寒寒飲是也。忿怒則傷肝。方醉之時。乃入于房。以致汗出。而復當于風。則風又從而入之。則傷脾。用力過度。乃入于房。以致汗出。而復往浴。體則傷腎。此乃或內或外。或上中下三部。隨各藏之經絡。而積之所生者也。

黃帝曰。善治之奈何。歧伯荅曰。察其所痛。以知其應有餘不足。當補則補。當瀉則瀉。毋逆天時。是謂至治。

此言治積之法也。毋逆天時。如春氣在肝。及月郭空滿之類皆是也。



行鍼第六十七

黃帝問于歧伯曰。余聞九鍼于夫子。而行之于百姓。世之氣血。各不同形。或神動而氣先。鍼行。或氣與鍼俱。或鍼已出。氣獨行。或數刺乃知。或發鍼而氣逆。或數刺病益劇。凡此六者。各不同形。願聞其方。

此帝以受鍼之人有六者之異而問之也。

歧伯曰。重陽之人。其神易動。其氣易往也。黃帝曰。何謂重陽之人。歧伯曰。重陽之人。熇熇高高。言語善疾。舉足善高。心肺之藏氣有餘。陽氣滑盛而揚。故神動而氣先行。黃帝曰。重陽之人而神不先行者。何也。歧伯曰。此人頗有陰者。

也。帝曰：何以知其頗有陰也？曰：多陽者多喜，多陰者多怒。數怒者，易解，故曰：頗有陰。其陰陽之離合難，故其神不能先行也。

此承上文而言神動而氣先，以行其必其為重陽之人也。夫重陽之人，神易動而氣易往者，何哉？正以熇熇而有上炎之勢，高高而無卑屈之心。以言語則善急，以舉足則甚高，其心肺在上之賊氣，更為有餘，而陽氣者，衛氣也，滑盛而揚，故用鍼之深，其神易動而氣先鍼而行也。然有重陽之人而神不先行者，陽中頗有陰也。凡多陽之人必多喜，多陰之人必多怒，惟此重陽之人而

怒亦數有。但比重陰之人。則易解耳。故曰頗有陰也。蓋以陽中有陰。則陽爲陰滯。初雖鍼入而與陽合。又因陰滯而復相離。其神氣不能易動而先鍼以行也。以此黃帝曰其氣與鍼相逢奈何。岐伯曰陰陽和調而血氣淖澤滑利。故鍼入而氣出矣而相逢也。

此承上文而言受鍼之氣有與鍼相逢者。以其氣之出速而相逢也。正以此人者陰陽各經相爲和調而血氣淖澤故耳。

黃帝曰鍼已出而氣獨行者何。氣獨然。岐伯曰其陰氣多而陽氣少。陰氣沉而陽氣浮。沉者內藏故鍼已出。氣乃隨

其後故獨行也

此言有鍼已出而氣獨行者。正以陰氣多而內藏。故鍼  
從出而氣乃隨後以獨行也。陰氣者。營氣也。陽者衛  
氣也。下文同。

黃帝曰。數刺乃知。何氣使然。歧伯曰。此人之多陰而少陽  
其氣沉而氣往難。故數刺乃知也。

此言人有數刺而始知者。以其陰氣多而沉也。蓋比上  
節之沉。則又沉之甚矣。

黃帝曰。鍼入而氣逆者。何氣使然。歧伯曰。其氣逆與其數  
刺病益甚者。非陰陽之氣浮沉之勢也。此皆粗之所敗。工

之所失其形氣無過焉

此言有鍼入而氣逆者乃醫工之失其鍼法也凡鍼入而氣逆與數刺而病益甚非陰陽之氣有浮沉之勢也特以營氣主沉衛氣主浮故刺衛當淺刺營當深今鍼入而氣逆者特以直淺而反深之宜深而反淺之所以鍼入而氣逆也故凡用鍼者皆當視其形氣而弗使過焉可也

上膈第六十八

首句有氣爲上膈故名偏

黃帝曰氣爲上膈者食飲入而還出余已知之矣蟲爲下膈下膈者食時乃出余未得其意願卒問之歧伯曰喜

怒不逆食飲不<sub>平</sub>寒溫不時則寒<sub>汁</sub>流于腸中<sub>流</sub>于腸中  
則<sub>蟲</sub>寒<sub>蟲</sub>寒則<sub>積</sub>聚守于下管則腸胃<sub>充</sub>邪<sub>衛</sub>氣不<sub>善</sub>邪  
氣居之人食則<sub>上</sub>食<sub>蟲</sub>上食則下管虛下管虛則邪<sub>系</sub>  
勝之積聚已留<sub>邪</sub>則癰成癰成則下管約其<sub>癰</sub>在<sub>管</sub>內者  
卽而痛深其癰在外者則癰外而痛浮癰上<sub>皮</sub>熱<sub>癰</sub>  
管後世作脫癰癰同據後  
論疾診尺篇第二節可比

此言膈證有上下之分而尤詳下膈之義也膈者膈膜  
也前齊鳩尾後齊十一椎所以遮隔濁氣不使上薰心  
肺也然有爲膈上之病者乃氣使然食飲一入卽時還  
出有爲膈下之證者乃蟲使然食飲周時始復外出但

帝明于上膈而昧于下膈。伯言下膈之始由于喜怒食  
飲寒煖不能善調以致寒汁流于腸中則蟲出寒而聚  
于下脘。膈上二寸為下脘惟其聚于下脘故在上之胃在下之  
腸皆已充郭衛氣不得上營邪氣同居于腸胃之中及  
其人食則蟲上食而下脘始虛隨致邪氣入于下脘而  
積聚已翳矣。由是壅成而下脘約也。其壅在下脘之內  
者即而按之其痛深其壅在下脘之外者即而按之其  
痛乃浮。壅上之皮亦熱。此下膈之病所以食飲辟時而  
逆出也。按百病惟膈為難愈後世之小兒者並不能分  
上膈下膈有氣與蟲之異乃遵仲景東垣丹路  
書以關格為膈證按本經終始經脈并  
脈偏明是脉體非膈證也豈不誤哉

黃帝曰刺之奈何岐伯曰微按其癰視氣所行先淺刺其傍稍內益深逆而刺之毋過三行察其沉浮以爲病淺已刺必熨令熱入次日使針出邪氣益衰大癰乃潰伍以參

禁以除其內恬澹無爲乃能行氣後以戲苦化穀乃下矣

二內字納同母無  
同伍互同瘡瘻同

此言刺下脫之癰者必有其法也輕按其癰視其氣之所行先淺刺其癰之旁稍刺其鍼而益深之又旋而刺之至于其三則不必復刺矣察其癰之序者淺刺之癰之深者深刺之及已刺之後必以火熨之使熱入于其中日使內之必熱則邪氣漸衰大癰乃潰又互參禁守



之法除其入內之事專一恬澹無爲乃能行氣然後用鹹苦等味以化其穀糜食飲從茲下矣

憂患無言第六十九

人有憂與怒以致無言篇有其出故名篇

黃帝問于少師曰人之卒然憂患而言無音者何道之塞何氣出行使音不彰願聞其方少師荅曰咽喉者水穀之門也喉嚨者氣之所以上下者也會厭者音聲之戶也口唇者音聲之扇也舌者音聲之機也懸雍垂者音聲之關也頰頰者分氣之所泄也橫骨者神氣所使主發舌者也故人之鼻洞涕出不收者頰頰不開分氣失也是故厭小而疾薄則發氣於其開闊利其出氣易其厭大而厚則開

聞其氣出近故重言也。人卒然無音者其氣客于厭則厭不能發發不能下至其開闔不致故無音也。上

此詳言人之夏惠而無言者以決氣之出于會厭也。人有二喉其一曰咽喉乃水穀之道也。生于後其音通于六府。其一曰喉嚨氣之所以上下者也。生于前其音通于五藏。會厭者凡人用飲食必由會厭以掩喉嚨而後飲食可過耳。故喉嚨既為氣之上下則會厭為音聲之戶。口唇為音聲之扇。舌為音聲之機。猶弩之機懸雍為音聲之關。頰頰為分氣之所泄。橫骨為神氣之所使。舌之所發故人有鼻洞涕出不收者必其頰頰不開分氣相

失從鼻而誤出故耳。然人之言語所欲當以會厭為主。厭小而薄則發氣速。以其開闔利而出。易也。若厭大而厚則發氣遲。以其開闔難而出。氣遲所以言語最重也。今人卒然無音者。由夫寒氣客于會厭則厭不能發。縱發亦不能下。其開闔頗難所以至于無音也。

黃帝曰刺之奈何。岐伯曰足之少陰上繫于舌絡于橫骨。終于會厭。兩焦其血脉濁氣乃辟會厭之脉上絡任脉。水之天突其厭乃發也。辟闔同

此言即人之無音者而有刺之之法也。足少陰腎經所行之脉上繫于舌復絡于橫骨以終于會厭。然則次焉

其血脉則濁氣乃闢除矣然欲寫其血脉者正以此會

厭之脉上終于任脉天突之穴取此穴以刺之其厭不

可發也

天突在頸結喉下四寸死穴中鍼五分留三呼灸三壯

寒熱第七十

凡有瘰癧者其病必發寒熱故名篇

黃帝問于歧伯曰寒熱瘰癧在于頸腋者皆何氣使生歧伯曰此皆鼠瘻寒熱之毒氣也留于脉而不去者也

此言鼠瘻之所以發為寒熱者以其毒氣之留于脉也

瘰癧者瘡名一名鼠瘻瘡生于頸腋兩脉間乃陽明正

陽兩經之所屬也正以鼠瘻有寒熱之毒氣留于其脉

而不去耳

俗云鼠用飲食源延于其中人誤用之所以毒氣感而生瘰癧今鼠之頸腋多塊其狀猶

保應外。後世有用錯製藥方者亦所以

勝止海耳。大義又見後論疾診尺篇

黃帝曰去之奈何歧伯曰鼠瘻之本皆在于藏其末上出

于頸腋之間其浮于脉中而未內着于肌肉而外為膿血

者易去也黃帝曰去之奈何歧伯曰請從其本引其末可

使衰去而絕其寒熱審按其道以予之徐往徐來以去之

其小如麥者一刺知三刺而已素問骨空論有刺寒熱法

此言刺瘰癧之有法也鼠瘻之本皆合五藏其末上出

于頸腋浮于脉中內未着于肌肉外尚未成膿血者斯

易去也去之之法亦惟從其何藏之本以引其在外之

末可使漸衰而絕其寒熱審按其脉道以取穴而與之

鍼徐往徐不以去其病。內有小如麥粒者。一刺則知其病之將去。三刺則病自已矣。

黃帝曰。決其生元奈何。歧伯曰。反其口視之。其中有赤脉。上下貫瞳子。見一脉。一歲死。見一脉半。一歲半死。見二脉。二歲死。見二脉半。二歲半死。見三脉。三歲而死。赤脉不下。貫瞳子。可治也。此節大義與本篇相同。論疾診尺篇相同。

此言決癰癰之生死有法也。赤脉從上而下貫瞳子中。凡死之遠近。以脉之如線者。多少爲度。如無赤脉。下貫瞳子者。其病可治也。

# 邪客第七十一

客者感也。首節論邪之所感。故名篇末節八篇義同。

黃帝問于伯高曰。夫邪氣之客人也。或令人目不瞑。不卧  
出者。何氣使然。伯高曰。五穀入于胃也。其糟粕津液宗氣  
分爲三隧。故宗氣積于胃中。出于喉嚨。以貫心脉而行呼  
吸焉。營氣者。泌其津液。注之于脉。化以爲血。以榮四末。內  
注五藏六府。以應刻數焉。衛氣者。出其悍氣之慄疾而先  
行于四末。分肉皮膚之間而不休者也。晝日行于陽。夜行  
于陰。常從足少陰之分間行于五藏六府。今厥氣客于五  
藏六府。則衛氣獨衛其外。行于陽。不得入于陰。行于陽則  
易氣盛。陽氣盛則陽蹻陷。不得入于陰。陰虛故目不瞑。此

與本經五味篇論  
三焦之義相同

此言人之目不瞑者。以其陽氣獨行于外而內之  
氣亦虛也。夫邪之感于人身。令人目不得瞑。或下  
而出于外者。正以五穀入胃。下焦爲糟粕之隧。中焦爲  
津液之隧。上焦爲宗氣之隧。故宗氣積于胃中者。卽上  
焦也。出候魄以貫心脉。而行呼吸。一呼脉行三寸。一吸  
脉行三寸。呼吸總爲一息。則脉行六寸。凡人一日一夜  
計有一萬三千五百息。則脉行八百一十丈。其營氣由  
中焦之氣降于下焦。而生此陰氣者。泌其津液。注之于  
脉。化以爲血。以榮四支。內隨宗氣以行于五藏六府經  
脉之中。而百刻之內。其脉數與刻數相應也。衛氣者。由



下焦之氣以升于中上二焦而生此陽氣但衛氣慄悍  
骨疾不隨宗氣以行而先行于四末分肉皮膚之間而  
不休者也直行于陽經夜行于陰經然晝行陽經之時  
如行足太陽經已畢則必入于足少陰腎經而又出行  
于陽經行足陽明已畢則亦必入于足少陰腎經而又  
出行于陽經諸陽皆然正以陽氣迅而陰氣弱故必一  
入而卽出也所謂常從足少陰之分間行于五藏六府  
者如此大義見衛氣行篇今邪氣厥逆客于五藏六府則衛氣  
獨衛其外不得內入于陰惟其不得內入于陰則外之  
陽盛而陽蹻之脉不得入于陰致內之營氣虛而陰

蹠之脉不得通于陽陽盛而陰虛此目之所以不瞑也  
黃帝曰善治之奈何伯高曰補其不足瀉其有餘調其虛  
實以通其道而去其邪飲以半夏湯一劑陰陽已通其目  
立至黃帝曰善此所謂決瀆壅塞經絡大通陰陽和得者  
也願聞其方伯高曰其湯方以流水千里已外者八升揚  
之萬遍取其清五升煮之炊以葦薪火沸置秫米一升治  
半夏五合徐以冷竭爲一升半去其滓飲汁一小杯日三  
稍益以知爲度故其病新發者覆杯則卧汗出則已矣久  
者三飲而已也

秫音木覆  
之粘者

此言治目不瞑而不得卧者有調其虛實之刺法飲以

湯劑之方法也。陽驕獨盛于外，則衛氣有餘，也不得入于陰，而陰虛，營氣不足也。當補其不足，而寫其有餘，蓋不足爲虛，有餘爲實，所以調其虛實，以通內外往來之道耳。然又飲以半夏湯一劑，則陰陽已通，其則立至。其方以流水來自千里外者八升，卽今之三升餘也。揚之萬遍，漚其清者五升，煮之，卽今之二升餘也。炊以葦薪，及人沸之時，又置秫米一升，卽今之四合餘也。治半夏五合，卽今之二合餘也。徐徐炊之，令竭，至一升半，卽今之六合餘也。去其滓，飲汁一小杯，一日之內服之者三次。稍有所益，自有所覺，則漸可。噫矣，凡病新發者，覆杯

汗出則已病久可飲三次而已耳

帝問于伯高曰。願聞八之肢節以應天地。奈何。伯高曰。天有圓地方。人頭圓足方以應之。天有日月。人有兩目。地有九州。人有九竅。天有風雨。人有喜怒。天有雷電。人有音聲。天有四時。人有四肢。天有五音。人有五藏。天有六律。人有六府。天有冬夏。人有寒熱。天有十日。人有手十指。辰有十二人。有足十指。莖垂以應之。女子不足二節以抱人形。天有陰陽。人有夫妻。歲有三百六十五日。人有三百六十節。地有高山。人有肩膝。地有深谷。人有腋脇。地有十二經水。人有十二經脉。地有泉脉。人有衛氣。地有草實。人有毫

天有晝夜人有卧起天有列星人有牙齒地有小山人有小節地有山石人有高骨地有林木人有募筋地有聚邑人有腠肉歲有十二月人有十二節地有四時不生草人有無子此人與天地相應者也

此伯高備言人與天地相應也女子不足二節缺莖垂與二罽也以抱人形故耳

黃帝問于歧伯曰余願聞持鍼之數內鍼之理縱舍之意扞皮開腠理奈何脉之屈折出入之處焉至而出焉至而止焉至而徐焉至而疾焉至而入六府之輸于身者余願盡聞少叙別離之處離而入陰別而入陽此何道而從行

願盡聞其方岐伯曰帝之所問鍼道畢矣黃帝曰願

之以別同舍捨  
同焉有烟

此帝備問用鍼之義及經脉出入離合之處也鍼有所  
持之法所納之理或縱鍼而不必持或捨鍼而不復用  
扞人之皮以開其腠理此皆法之所當知也其經脉有  
屈折出入之處何所至而出鍼何所至而止鍼何所至  
而用鍼則徐何所至而用鍼則疾何所至而入鍼且六  
府之運于人身者有別有離何者離陽而入于陰何者  
別陰而入于陽此必有脉道以爲之行也故脩問之  
岐伯曰手太陰之脉出于大指之端內屈循白肉際至本

節之後太淵皆以澹外屈。上于本節之下。內屈與陰諸絡會于魚際。數脉并注其氣滑利。伏行壅骨之下。外屈出于寸口而行。上至于肘內廉入于大筋之下。內屈上行。膈陰入腋。下內屈走肺。此順行逆數之屈折也。屈讀為曲。數上声。

此伯言手太陰經之脉有曲折出入順逆之數也。至太陰肺經之脉出于大指之端少商穴。內屈之以循白肉之際。赤白肉屬陰經。赤肉屬陽經。陰陽之經以赤白肉際為界也。至大指節後有太淵穴。大凡脉會太淵而留止于此。澹滲諸經從外而曲。上于本節之下。又從內而曲。與陰經諸絡會于魚際。但數經之脉并注于此。其氣

滑利伏行壅骨之下。即掌後高也。又外往少曲出于  
寸口之太淵穴而行。故曰肘會太淵也。上從經渠列缺  
孔最。又至肘內之俠白穴。入于大筋之上。從內少曲上  
行臑之陰廉。入腋之下雲門天府。又內曲而走于肺。此  
則從外而走內者爲逆。若自雲門中府以出少商。則自  
內而出外者爲順。此乃順行逆數之屈折也。

心主之脉出于中指之端。內屈循中指內廉。以上留于掌  
中。伏行兩骨之間。外屈出兩筋之間。骨肉之際。其氣滑利  
上二寸。外屈出行兩筋之間。上至肘內廉。入于小筋之下  
留兩骨之會。上入于臂中。內絡于心肺。



此伯言心上之脉。有曲折出入順逆之數也。心主之脉  
即手厥陰心包絡之脉也。手少陰心經本為君主之官  
而此以包絡為心主者。正以其脉之所行。悉代君主而  
遂謂之心主之脉也。大義見下文其脉行于中指之端中衝  
穴從內少曲循中指之內廉。以上留于掌中之勞宮穴  
伏行于兩骨之間。外曲而行出于兩筋之間。正骨內之  
際。大陵穴之所在也。其氣滑利。上于二寸之內關穴。又  
外屈出行兩筋之間。上至肘之內廉曲澤穴。入于小筋  
之下。留于兩骨之會。上入于臂之天泉天池而內絡于  
心。肺兩穴。此乃心主順行逆數之屈折也。大義見前本  
輸篇第二節

焉

黃帝曰。手少陰之脉。獨無腧。何也。歧伯曰。少陰心脉也。心者。五藏六府之大主也。精神之所舍也。其藏堅固。邪弗能容也。容之則心傷。心傷則神去。神去則死矣。故諸邪之在于心者。皆在于心之包絡。包絡者。心主之脉也。故獨無腧。

此承上文而明手少陰心經不必有治病之腧也。輸者。穴也。前本輸篇止言心出于中衝云云。而不言心經者。豈心經獨無治病之輸乎。非謂心經無輸穴也。伯言少陰者。心之脉也。心爲五藏六府之大主。乃所以藏神者。故爲精神之所舍也。其藏堅固。而邪弗能容。若邪容之。

則心傷而神去人至于死矣故凡諸邪之在心者皆不在手心而在于心之包絡此包絡者透得以同于心主之脉而卽以心主稱之也故治病者亦治心包絡之穴而已獨不取于心之輸者有以哉

黃帝曰少陰獨無輸者不病乎歧伯曰其外經病而藏不病故獨取其經于掌後銳骨之端其餘脉出入屈折其行之疾徐皆如手少陰心主之脉行也故本輸者皆因其氣之虛實疾徐以取之是謂因衝而寓因來而補如是者邪氣得去真氣堅固是謂因天之序

此承上文而明心經之病在外經而不在內藏所以止

取神門之穴而餘病則取包絡而已夫 兩邪之在心者  
皆治心之包絡則少陰心經獨不病乎 然心經之病  
在于外經凡經脉之行于外者偶病耳其心之內藏則  
不容病者也故外經有病獨取其掌後銳骨之端神門  
穴耳其餘脉之出入曲折所行之徐疾皆如手厥陰心  
包絡之脉行也故本經本輸篇謂治手少陰者即治心  
包絡經皆調其氣之虛實疾徐以取之是謂因邪氣所  
衝而駕之與氣衰而補之如是者則邪去而真固有以  
循天道因時之序矣

黃帝曰持鍼縱舍奈何岐伯曰必先明知十二經脉之本

木皮膚之寒熱脉之盛衰骨痛其脉滑而盛者病日進虛而細者又以持大以虛者爲痛痺陰陽如一者病難治其木末尚熱者病尚在其熱已衰者其病亦去矣持其尺察其肉之堅脆小大滑澁寒溫燥濕因視目之五色以知五藏而決死生視其血脉察其色以知其寒熱痛痺

此帝問持鍼縱舍之法而伯先以視病之法言之也第四節帝以持鍼之數納鍼之法縱舍之意問之而伯尚未言故此以持鍼縱捨爲問伯言必先明知手足十二經脉之本末其各經何起何止也皮膚之寒熱經之分肉孰寒而孰熱也及人迎氣口之旺盛衰也

之滑而盛者病當日進。脉之虛而小者病久以持。若大  
而帶濡膏為痛痺。如人迎氣口若一則脉為四格。病當  
難治。大義見四時氣胃腹為本。四支為末。凡本才尚熱  
者其病尚在。凡本末之熱已衰者其病亦去。不惟是也  
又必持其尺部以察其肉之堅脆。脉之小大滑澀之  
疾。溫燥濕即本經論疾診尺篇所謂獨調其尺以言其  
病也。又以目為五藏六府之精。此論是本經大義論視其目之五  
色以知其五藏而決其死生。入視其口脉之陷下與否  
及血脉之五色以知其寒熱痛癢。人表見本經經脉篇斯可以行  
持鍼縱舍之法矣。

黃帝曰持鍼縱舍余未得其意也岐伯曰持鍼之道欲端以正安以前先知虛實而行疾徐左指執骨右手循之無與肉果寫欲端以正補必閉膚輔鍼導氣邪得淫洩止氣得居

此伯始以持鍼縱捨之法言之也凡持鍼之道欲端以正安以靜先知病之虛實以行疾徐之法始用左指按其病人之背右手循穴以施其鍼方鍼入時無與肉索欲行寫法必端以正欲行補法必閉其膚助鍼導氣斯邪氣可淫洩而散真氣得在內而居矣

黃帝曰扞皮開腠理奈何岐伯曰因其分肉左別其膚微

細而徐端之適神不散邪氣得去

此同第四節扞皮開腠理之問而伯言其有法也所謂  
扞皮開腠理者因其分肉之在何經而扞分其皮以開  
其腠理而入刺之也先以左手別其反膚然後右手微  
納其鍼而徐徐端正其鍼以入之筋乃扞皮開腠理之  
法其神氣自然不散而邪氣乃得以去矣

黃帝問于歧伯曰人有八虛奈何以候歧伯答曰以候五  
藏黃帝曰候之奈何歧伯曰肺心有邪其氣留于兩肘肝  
有邪其氣流于兩腋脾有邪其氣留于兩髀腎有邪其氣  
留于兩腓凡此八虛者皆機關之室真氣之所過血絡之



所遊邪氣惡血固不得住留住留則傷經絡骨節機關不  
得屈伸故病筆也前四留字俱當作肅惟注故

此明言八虛可以候五藏也八虛者即下兩肘兩腋兩  
髀兩脛之間由五藏內虛以致虛邪客之而為病也肺  
之經脉自胃之中府以入兩肘之俠白等穴心之經脉  
自肘上極泉以行于少海等穴故肺心有邪其邪氣當  
流于兩肘也肝之經脉自足大指之大敦以行于腋下  
之期門等穴故肝有邪其邪氣當流于兩腋也脾之經  
脉自足大指之隱白以行于髀之血海等穴故脾有邪  
其邪氣當流于兩髀也腎之經脉自足心湧泉以行于

謂之陰谷等穴故腎有邪其邪氣當流于兩膕也膝後曲處  
凡此八者皆機關之室真氣之所過血脈之所遊非  
邪氣惡血可以住留之所若住留之則經絡傷而骨節  
機關不得屈伸其病當為拘攣矣其始也由五藏虛而  
邪氣流于八所其既也即八所而可以候五藏故曰八  
虛可以候五藏也

通天第七十二

內言人有五等皆  
聖之凡十人故名篇

黃帝問于少師曰余嘗聞人有陰陽何謂陰人何謂陽人  
少師曰天地之間六合之內不離于五人亦應之非徒一  
陰一陽而已也而略言耳口弗能徧明也黃帝曰願略聞

其意有賢人聖人。心能備而行之乎。少師曰。蓋有太陰之人。少陰之人。太陽之人。少陽之人。陰陽和平之人。凡五人者。其態不同。其筋骨氣血各不等。

此舉五等之人而槩言之。非徒有陰人陽人而已也。

黃帝曰。其不等者。可得聞乎。少師曰。太陰之人。貪而不仁。下齊淖淖。好內而惡出。心和而不發。不務于時。動而後之。此太陰之人也。內納同惡去聲

此卽太陰之人而言之也。下齊淖淖者。內存陰險。外假謙虛。貌似下齊整齊。湛然無私也。好納而惡出者。有所得則喜。有所善則怒也。心和而不發。不務于時。動而後

之者心似和氣不即順應而或有舉動心已隨人後益  
覘人利害以爲趨避也其深情厚貌奸詐虛詐之情如  
此

少陰之人小貪而賊心見人有亡常若有得好傷好害見  
人有榮乃反慍怒心疾而無恩此少陰之人也奸佞

此卽少陰之人而言之也小貪者比太陰之人則小異  
耳其心以賊害爲主則同于太陰之不仁也人有所失  
彼則喜之若已有得也人有所榮彼則怒之若已有失  
也好傷人好害人其心思嫉而無恩者如此

太陽之人居處好于好言大事無能而虛說志發于四野

舉措不顧是非爲事如常自用事雖敗而無常悔此太陽之人也

此卽太陽之人而言之也于于無爭之意好言大事無能而虛說卽孔子之所謂其言之不忤則爲之也難者是也志發于四野者事不畏人知也左傳云譚潞謀于野則獲譚于室則謂愚而好自用也

少陽之人譊譊好自貴有小小官則尚自宜好爲外交而

此卽少陽之人而言之也譊譊者凡事自翫也好自貴

尊貴也。

陰陽和平之人。居處安靜。無為懼懼。無為欣欣。婉然從物。或與不爭。與時變化。尊則謙謙。譚而不治。是謂至治。

此即陰陽和平之人而言之。無為懼懼欣欣者。不因

物感而遽有喜怒也。尊則謙謙者。位尊而愈自謙抑也。

易曰謙譚而不治。無為而治也。曰至治者。不治之治也。

古之善用鍼灸者。視人五態。乃治之。盛者瀉之。虛者補之。

此結上文而言。善用鍼灸者。必視其五態而治之也。

五態之法。見下第十  
四節至第十八節。

黃帝曰。治人之五態。奈何。少師曰。太陰之人。多陰而無陽。

其陰血濁其衛氣濇陰陽不和緩筋而厚皮不之疾篤不能移之。

此言治太陰之人之有法也多陰而無陽與少陰之人多陰而少陽者異矣惟陰多故陰血濁惟無陽故衛氣濇惟多陰而無陽故陰陽不和况筋緩而皮又厚必當疾瀉以移其病也。

少陰之人多陰少陽小胃而大腸六腑不調其陽明脉小而太陽脉大必審調之其血易脫其氣易散也。

此言治少陰之人之有法也胃小故陽明之脉小也腸大故乎太陽小腸之脉大也血易脫而氣易散也。

審以調之與疾寫太陰之人有不同也

太陽之人多陽而少陰必謹調之無脫其陰而寫其陽陽脫者陽狂陰陽皆脫者暴死不知人也

此言治太陽之人之有法也惟少陰故不可脫其陰惟多陽故當以寫其陽若陽氣太寫則陽至重脫其病爲狂若陰陽皆寫而至于脫則當暴死不知人也

少陽之人多陽少陰經小而絡大血在中而氣外實陰而虛陽獨厲其絡脉則強氣脫而疾中氣不足病不起也

此言治少陽之人之有法也惟給脉大故獨厲其絡脉則身強若寫之太過以致氣脫而出速則中氣不足病



不能起也

陰陽和平之人其陰陽之氣和血脈調謹診其陰陽視其邪正安容儀審有餘不足盛則瀉之虛則補之不盛不虛以經取之此所以調陰陽別五態之人者也

邪解

此言治陰陽和平之人之有法也

黃帝曰夫五態之人者相與毋故卒然新會未知其行也何以別之少師荅曰衆人之屬不知五態之人者故五五二十五人而五態之人不與焉五態之人尤不合于衆者也

也

毋無同卒音梓別音紫

此帝以難知五態之人爲慮而少師言常人不能知也

下文乃詳言之

黃帝曰別五態之人奈何少師曰太陰之人其狀黧黧然黑色念然下意臨臨然長大膈然木僂此太陰之人也

此言太陰之人之態也黧黧甚黑念然下意卽上文下齊湛湛之意也臨臨然長大之貌也其膈雖長大然直身而非偃僂之狀也

少陰之人其狀清然竊然固以陰賊立而躁嶮行而似伏此少陰之人也

此言少陰之人之態也清然者言貌似清也竊然者消沮閉藏之貌雖曰清然竊然實以陰險賊害爲心卽上

文所謂賊心者。而始有此態。其立也。躁則不靜。嶮則  
覘望其行也。伏如偃僂。此其然也。沉思反側之心。故耳  
較之太陰之人。長大其脰。然未偃僂。此狀可以辨耳。

太陽之人。其狀軒軒儲儲。反身折脰。此太陽之人也。

此言太陽之人之狀也。車之向前曰軒。軒然者。猶俗  
云軒昂也。儲儲者。挺然之意。若反其身。而在後視之。則  
其脰似折。亦不檢之態也。

少陽之人。其狀立則好仰。行則好搖。其兩臂兩肘。則常出  
背。此少陽之人也。

此言少陽之人之態也。據其態。乃多動少靜。非檢身若

不及之道也。

陰陽和平之人。其狀委委然。隨隨然。顚顚然。愉愉然。皦皦然。豆豆然。衆人皆曰君子。此陰陽和平之人也。

此言陰陽和平之人之態也。委委然。安重貌。詩君子偕佗隨隨然。不急遽也。顚顚然。尊嚴貌。詩卷阿篇。愉愉

然。和說也。論語云。愉然皦皦然。周旋貌。禮云。周旋中矩。豆豆

然。不亂貌。君子者。自聖人以至成德之士。皆可以君子

稱也。禮運云。此云君子者。未有不謹於禮者也。蓋指

人亦稱也。武成王周公又詩指又王為豈弟君子。則聖

君子稱也。

黃帝內經靈樞註證發微卷之八終

靈樞

八卷

五十四